

詞

綜

補

遺

詞綜補遺卷十一

長洲陶樞輯

宋詞五十一首

衛宗武 五首

徐儼夫 一首

馮去非 三首

陳合 一首

徐霖 一首

黃應武 一首

曾宏正 一首

柴望 五首

王玉 一首

鍾過 一首

翁孟寅 五首

黃載 五首

周端臣 四首

曹籛 六首

陳郁 一首

丁宥 一首

宋自遜 一首

杜良臣 一首

儲泳 一首

陳璧 三首

陳東甫 二首

嚴參 一首

衛宗武

字洪父自號九山華亭人淳祐間歷官尚書郎出知常州罷歸有秋聲集六卷詞附

按張之翰秋聲集序稱九山墓宿草已六白是年爲至元甲午則九山當卒于至元己丑距宋已閏十年故焦茲國史經籍志以秋聲集列入元人然九山當屋社之後息影邱園未嘗櫻懷圭組仍當屬之滄桑遺老也

水調歌頭

風雨捲春去紅紫總無餘窈窕一川芳渚軟草接新蒲

楊柳垂垂飄絮柔
柘陰陰成幄
綠正荼敷
遷木鶯呼
友營壘
燕將雛
金蕉舉珠櫻
累豆梅腴
壽鄉歌舞樽
前暫得
皺眉舒
往事南柯印
綬晚歲北山杖履
寂寞笑
今吾幸作耆年侶
寫入洛英圖

摸魚兒 小園晚春

小林巒一年芳事亂
紅還又飛雨
生香冉冉花陰轉
雲擘滿空晴絮
遊燕處看樂意
相關庭下胎仙舞
歌聲緩
度任圓玉敲寒
飛觴傳曉未許放春去
閒中趣
明月清風當戶
莘莘容屋陳俎
剪裁妙語頻
廣唱巧勝郢斤
般斧心自許
拚凋景頽齡
爲鶯儔燕侶
同盟會取共花

言部不送卷一
下小車竹間三徑長作老賓主

又
疊前韻

見春來又將春盡狂風那更癡雨一番芳徑催人老
回首綠楊飄絮歡會處有小小亭池止欠妙歌舞光陰梭
度對草木幽姿候禽雅素客至未應去十年裏冷落
翟公門戶朋來草草樽俎投閒贏得浮生樂肯羨油幢
繡斧春幾許任洛譜名葩留燕耆英侶浮榮競取縱帶
玉圍腰印金繫肘爭似鶯花主

木蘭花慢
和荃渡賦菊

聚林園芳景盡輸韓圃陶籬任雨虐風饕露凝霜壓叢

木離披正色幽香不減與冬蘭並秀結心知天賦花中
名節不教桃李同時 清奇秋後尤宜浮卉盡尙芳菲
稀處士庭除先生簡冊聲續吾伊便好竹間松下擅晚
芳長伴歲寒姿懊恨擣尊已晚明年來把花枝

醉江月

山中霜寒有作

露珠凝聚夜更長寒壓一牀衾重局縮龜藏燈晃悄明
滅銀缸欲凍鼻觀流珠肌紋浮粟敲枕難成夢明蟾交
映一枝清影梅弄 曉見黃隕丹空但瓊華點綴萬梢
森聳橋袖香來分好景書後儘堪題送青女呈工玉妃
傳信漸六雲飛動瑞花盈晝青青疊嶂銀湧

徐儼夫

字公望號桃渚平陽人淳祐元年進士第一官至禮部侍郎

俞文豹吹劍錄外集紹興戊辰王佐爲狀元慶元丙辰莫子純爲狀元皆越人嘉定丁丑狀元吳履齋潛淳祐辛丑狀元徐公望儼夫至己酉年履齋帥越徐在別榻會鹿鳴宴僚屬作樂語皆不愜意履齋乃自草之末云對丁丑辛丑之狀元座中盛事繼戊辰丙辰之舉首鄉曲美談

西江月

曲折迷春院宇參差近水樓臺吹簫人去燕歸來空有
落梅香在 花底三更過雨酒闌一枕驚雷明朝飛夢
隔天涯腸斷流鶯聲碎

馮去非

字可遷號深居南康都昌人淳祐元年進士幹辦淮東轉運司竇祐四年召爲宗學諭丁

大全爲左諫議三學諸生叩闕言不可帝下
詔禁戒立石三學去非獨不肯書名碑下未
幾大全簽書樞密院
去非罷歸宋史有傳

愚見紀忘云宋時內樓五更絕柳鼓交作謂
之蝦蟆更禁門方開百官隨入所謂六更也
馮去非詩云春風吹送笑談香玉漏銀鐙破
夜涼歸去東華聽宮漏杏花落盡六更長
按史稱去非罷歸舟泊金焦山有僧上謁乘
間致大全意願毋遽歸少俟收召去非正色
日程丞相蔡參政牽率老夫至此今歸廬山
不復仕矣斯言何爲至我觀詞中故山猿鶴
諸語恬退之志自然流露殆淵明所謂稱心
而言也

八聲甘州

見陽春白雪

買扁舟載月過長橋回首夢耶非問往日三高清風萬
古繼者伊誰惟有茶烟輕颺零露濕莼絲西子知何處

鴻怨蛩悲 遙想家山好在正倚天青壁石瘦雲肥甚
拋奇耽秀猿鶴互猜疑歸去好散人相國迥升沈畢竟
總塵泥須還我松間舊隱竹上新詩

點絳脣

秋滿孤篷翠蒲紅蓼留人住一簾香縷邊影驚鴻度

小據胡床舊事新情緒憑誰訴蠟燈犀麈擬共西風語

喜遷鶯

涼生遙渚正綠芰擎霜黃花招雨雁外漁邨

一作燈 蛩邊

蟬合絳葉表秋來路世事不離雙鬢遠夢偏欺孤旅送

望眼但憑闌微笑書空無語

慵覩

一作看

清鏡裏十載

征塵長把朱顏污借箸青油揮毫聚塞舊事不堪重舉
問澗故山猿鶴冷落同盟鷗鷺倦游也便檣雲拖月浩
歌歸去

陳

令

字惟善長樂人淳祐四年進士歷官禮部侍郎起拜端明殿學士簽書樞密院諡文惠

隱居通議總貽時魯港師潰賈師憲奔揚州上章待罪詔降三官罷爲醴泉觀使陳惟善方直玉堂草制其戒詞有曰唐戎狄懲荆舒朕無望周公之事率秦師雪恥爾尙蓋孟明之羞蓋讓師憲以周公自許也

寶鼎現

壽賈師憲

見齊東野語

神鼈誰斷幾千年再乾坤初造筭當日枰棋如許爭一
著吾其衽左談笑頃又十年生聚處處幽風葵棗江如

鏡楚氛餘幾猛聽甘泉捷報 天衣細意從頭補爛山
龍華蟲黼藻宮漏永千門魚鑰截斷紅塵飛不到六街
九軌看千貂避路庭院五侯深鎖好一部太平六典一
一周公手做 赤烏繡裳消得道斑斕衣好儘麗眉鶴
髮天上千秋難老甲子平頭纔一過未識汾陽考看金
盤露滴瑤池龍尾放班回早
按詞中左補鎖傲等韻純用閩音與四朝間見錄所載林外一詞同

徐

霖

字景說號經畝西安人淳祐四年試禮部第一授沅洲教授擢祕書省正字遷著作郎乞

補外知撫州景定二年知汀州卒宋史有傳

癸辛雜識趙汝騰爲從官力薦三衛徐霖爲著作郎至此之范文正公而霖舉止頗怪妄

自尊大舜之無忌憚皆汝驥縱其狂至目汝
驕爲大宗師已爲小宗師遂相汲引雖旣彼
逐汝驥亦不自安遂求補外

長相思

見陽春白雪

聽鶯聲惜鶯聲客裏鶯聲最有情家山何處青 問歸

程數歸程行盡長亭又短亭征衫脫未成

按景說以淳祐十二年出

知撫州未幾以言事罷歸詞當作於是時次年改元寶祐復有鄂州之命未句征衫脫未成亦詞識也

黃應武

百字令

欵署淳祐換號五月一日黃應武景行同

劉子真侯時舉廖彥植吳漢卿譚謙夫簡

衡甫郭溫夫番慶昌霍元善遊白龍河景行賦詞子真命工刻于石 見勝桂元巖石

乾坤開闢桂林有元氣自來融結石磴盤空行木杪天
柱屹然中立窟宅幽深泉源清遠不是靈神擘潛通後
洞張劉萬古遺跡 輸我長劍凌虛六塵盡掃銀海秋
波碧志氣飄飄遊物外惟有清風知得喚起白龍護持
颺馭稽首朝金闕山靈欣喜紫雲已在詩壁

曾宏正

臨江人

水調歌頭

效若臨江曾宏正作同遊崇仁吳湜廬陵楊壽慈三山陳華子羽士李可道子

公道公迺侍淳祐癸卯九月望

風月無盡藏泉石有膏肓古今桂嶺奇勝騷客費平章
不假鬼謀神運自是地藏天作圓魄鎮相望舉首吸空

翠赤脚踏滄浪 驚龍臥攀棲鶴翳鸞鳳秋爽一天涼

露桂子更飄香坐我水精宮闕呼彼神仙伴侶大杓挹

瓊漿主醉客起舞今夕是何鄉 按詞刻臨桂水月洞跋云先曾祖自宋提點湖

南刑獄淳祐癸卯調廣西運使家藏文集知有留題惜不能挾其地迨夫驥備員臨桂至馬玉慈氏閩水月白

龍諸洞得觀先公題詠遺跡距今百年其題楹者幸完刻石者筆法間失其舊仰瞻留玩感慨係之乃捐已俸

命工鐫滄以永方來大元至正二年壬午夏月曾孫承務郎靜江路臨桂縣尹兼勸農事夫驥同會姪孫直方

元孫義存子成存拜手謹書

柴望

字仲山號秋堂又號歸田江山人嘉熙中爲太學生除中書奏名淳祐六年丙午日食詔

求直言上丙丁龜鑑逮下詔獄尋放歸景炎二年薦授史館編校宋亡後自號宋逋臣與

從弟通判隨亨制參元亨察推元彪居榑林九磔間稱柴氏四隱

蘇功安柴秋堂墓誌秋堂放歸田里設祖道
湧金門外者爲三山鄭震邵武吳陵建安葉
元素松溪朱繼芳錢膺翁孟寅田井陳麟黃
溱南康馮去辨西江趙崇嶠曾原一盱江黃
載汶陽周弼各賦詩爲別
柴氏四隱集載秋堂靈芝寺別祖席諸友詩
云落日寒城暮雨餘滿斟離酒意何如見妻
還指張儀舌痛國誰憐賈誼書羸馬病童旋
雇倩寺僧山獼亦欲獻長安可是深居處更
向深山深處居

念奴嬌

見陽春白雪

春來多困正日移簾影銀屏深閉喚夢幽禽柳外驚
斷巫山十二宿酒初醒新愁半解惱得成憔悴蓬鬆雲
鬢不忺鸞鏡梳洗門外滿地香風殘梅零亂玉糝蒼
苔碎乍煖乍寒渾莫擬欲試羅衣猶未闕草雕闌買花

深院做踏青天氣晴鳩鳴處一池昨夜春水

摸魚兒

登嚴州西樓

望長江幾分秋色三分渾在烟雨傷心已怕江南樹那
更暮蟬如語帆且住試說著羊裘釣雪今何許魚龍自
舞但一舸蘆花數聲羌笛鷓鴣自來去 年年恨流水
朝朝暮暮天涯長歎飄聚衾寒不轉鈞天夢樓外誰歌
白紵君莫訴君試按秦箏未必如鍾呂鄉心最苦算祇
有娟娟馬頭皓月今夜照歸路

桂枝香

今宵月色歎暗水流花年事非昨瀟灑江南似畫舞楓

言卷一
飄杳誰家又唱江南曲一番聽一番離索孤鴻飛去殘
霞落盡怨深難托 又腸斷丁香畫雀記牡丹時候歸
燕簾幙夢裏裏王想念王孫飄泊如今雪上蕭蕭鬢更
相思連夜花發柘枝猶在春風那似舊時宋玉

齊天樂

淒淒楊柳瀟瀟雨悄窓怎禁滴瀝思裏傳蛩愁邊落雁
多少東吳山色知他恨極料爲我窓前強鳴刀尺竟日
西風那堪無寐更鄰笛 黃花開遍未也花開應笑我
年少難覓湖上長安口口渭水都把韶華暗擲何人碎
壁尙衰草連天暮烟凝碧怕說相思撼風喧夜寂

祝英臺近

丁巳暮春訪楊西村湖上懷舊涼州鼓吹

見

小船兒雙去艣紅濕海棠雨燕子歸時芳草暗南浦自
從翠袖香消明璫聲斷怕回首舊尋芳處向誰語可
憐金屋無人冷落鳳簫譜翠入菱花蛾眉爲誰嫵斷腸
明月天涯春風海角恨不做楊花飛去

王玉

字寧翁

柴望秋堂遺稿石頭寺和王寧翁韻云懷鄉
弔古易傷心絕頂危亭共客臨朝市幾經兵
火後山川轉覺樹雲深百年歌舞空臺沼六
代豪華漫陸沈惟有亂鴉歸去晚夕陽無限
暮城陰

朝中措

見陽春白雪

楊花繞畫暖風多晴雪點池波戲數翠萍幾壓零星未
礙圓荷 軟人天氣半如溽暑半似清和說與香篝
火酒痕梅却衣羅

鍾

過

字改之號梅心廬陵人
中寶祐三年乙卯解試

步蟾宮

見絕妙好詞

東風又送酴醿信蚤吹得愁成潘鬢花開猶似十年前
人不似十年前俊 水邊珠翠香成陣也消得燕窺鶯
認歸來沈醉月朦朧覺花氣滿襟猶潤

翁孟寅

字賓陽號五
峰錢塘人

四朝聞見錄翁中丞彥國建之崇安人子謙
之進士孫孟寅嘗首臨安鄉薦

吳文英夢窻乙藁江城子送翁五峯自宦江
還都云西風一葉送行舟淺遲留巖汀洲新
浴紅衣綠水帶香流應是離宮城外晚人竚
立小簾鈎新歸重省別來愁黛眉頭半痕秋
天上人間斜月繡針樓湖浪莫迷花蝶夢江
上釣負輕鷗

陳允平西麓詩藁寄翁賓賜云歷歷長途謁
魯侯征塵寧復戀碧裘江城露冷霜初滑海
谷冰消水欲流夜月觀鷺徐柳春風聽樂
仲宣樓料君頻夢會憶孤山有舊遊

燭影搖紅

見陽春白雪

樓倚春城瑣窻曾共巢春燕人生好夢比
絕妙好詞作逐春風
不似楊花健舊事如天漸遠奈情絲牽愁未斷鏡塵埋

恨帶粉栖香曲屏寒淺環佩空歸故園羞見桃花面

輕烟殘照下闌干獨自珠簾捲一信狂風又晚海棠花

隨風滿院亂鴉歸後杜宇啼時一聲聲怨

阮郎歸

月高樓外柳花明單衣怯露零小橋燈影落殘星寒烟
蘸水萍歌袖窄舞鬟輕梨花夢滿城落花啼鳥兩無
情春愁添曉醒

齊天樂

幽香不受春料理青青尙餘秋髻礪曲巖隈烟梳露浴
甘與菰蒲共隱芳標瘦迥看纓結丁香帶縈晴荇恨水
東流楚江憔悴亂雲縈淒涼夢遊故苑縱妒花風暴
吹夢難醒豔李天桃紆青佩紫爭似廣文官冷塵波萬

頃算誰是同心自憐孤影收斂風流素絃清夜永

又元夕

紅香十里銅駝夢如今舊游重省節序飄零歡娛老大
慵立燈光蟾影傷心對景怕回首東風雨晴難準曲巷
幽坊管絃一片笑聲近飛棚浮動翠葆看金釵半溜
春妒紅粉鳳輦釐山雲收霧斂迤邐銅壺漏迥霜風漸
緊展一幅青綃淨懸孤鏡帶醉扶歸曉醒春夢穩

摸魚兒

捲西風方肥塞草帶鉤何事東去月明萬里關河夢吳
楚幾番風雨江山路二十載頭顱凋落今如許涼生弄

言系和文卷一
塵歎江左夷吾隆中諸葛談笑已塵土 寒汀外還見

來時鷗鷺重來應是春暮輕裘峴首陪登眺馬上落花

飛絮拚醉舞誰解道斷腸賀老江南句河津少駐舉目

送飛鴻幅巾老子樓上正凝佇

浩然齋雅談賓賜嘗遊
維揚賈師憲開帷闕甚

前席之其歸又置酒以餞賓賜卽席賦此詞師憲大喜
舉席間飲器凡數十萬悉以贖之

黃

載

字伯厚號玉泉南豐人大
受子仕至廣東兵馬鈐轄

隱居通議玉泉爲京西提刑寶章朱公夢吉
之壻以詩得名于嘉熙淳祐間受知于丞相
鄭忠獻公清之集名蜡社歌餘有鍾馗觀鬼
門蟆圖傳誦一時

畫錦堂

牡丹

見陽春白雪

麗景融晴浮光起畫玉妃信意尋春笑酒盃翻手滿地

祥雲寶臺艷感文綃帕郎官嬌舞辭金裙嫣然處况是
生香微濕膩臉餘醺 暖烘肌欲透愁日炙還銷風動
成塵細爲品歸雪調度與朱脣翠幃晚映真圖畫金蓮
夜照越精神欲拚醉回首夕陽流水碧艸如茵

隔浦蓮

荷花

瑤妃香透鞦冷竚立青銅鏡玉骨清無汗亭亭碧波千
頃雲水搖扇影炎天永一國清涼境 晚妝靚微酣不
語風流幽恨誰省沙鷗少事看到睡鴛雙醒蘭棹歌遙
隔浦應催喚藕絲縈斷歸艇

孤鸞

四明後圃石峯之下小池之上有梅花

冰心孤寂戀幾插靈峰半泓寒碧骨瘦和衣薄清絕成
愁極蕭然滿身是雪怕人知鏡中消息獨向百花夢外
自一家春色 記羅浮幽夢渾如昔有浸眼鯨波倚雲
丹壁夜醉空山酒叫裂橫霜笛回頭洞天未曉但迢迢
江南水驛飲散東風落月正海山浮碧

碧字韻複舊本如是仍之

東風第一枝 探梅

迅影彫年嫩晴蕙暖意行問詠春色不知春在誰家闌
香慢攏玉勒一枝竹外似欲訴經年相憶奈情多難剪
愁來寂寞水寒烟碧 吟正好悲笳喚恨酒正滯夕陽
催客殷勤片月飛來更隨暗香細索橫斜瘦影看盡未

開時消息爲春來還怕春多腸斷夜闌霜笛

洞仙歌

姑蘇舊臺在三十里外今臺在胥門上次滄紫岩韻

吳宮故壘是天開圖畫縹緲層雲出飛榭隱隱樓空翠
嚙水遶蕪城平疇迥點染霜林彫謝越來溪上雁聲
切闌干似覓胥門怨吳霸屬鏤沉香溪斷夢散雲空千
羊外等是漁樵閒話但極目荒臺鬱蒼烟衰草裏又還
夕陽西下

周端臣

字彥良號葵憲建業人

武林舊事御前應制周葵憲端臣曹松山逢陳藻一郁

釋斯植采芝集挽周彥良詩云白首功名未十年寡妻相弔泣江干詩名似水聲還遠世

言系不
事如雲夢已殘楊柳滿隄人去後海棠深巷
雨初乾東風忽起青山淚雖有君書不忍看

春歸怨

越調

見陽春白雪

問春爲誰來爲誰去匆匆太速流水落花夕陽芳草此
恨年年相觸細履名園閑看嘉樹藹翠陰成簇爭知也
被韶華換却詩人鬢邊綠 小花深院靜旋引清尊自
歌新曲燕子不歸來風絮亂吹簾竹誤文姬凝望久心
事想勞頻卜但門掩黃昏數聲啼鴉又喚起相思一掬

清夜遊

越調

西園昨夜又一番闌風伏雨清晨按行處有新綠照人
亂紅迷路歸吟窻底但瓶几留連春住窺晴小蝶翩翩

等閒飛來似相妒 遲暮家山信杳奈錦字難憑清夢
無據春盡江頭啼鴉最悽苦薔薇幾度花開誤風前翠
尊誰舉也應念留滯周南思歸未賦

玉樓春

見前賢小集拾遺

華堂簾幕飄香霧一搗楚腰輕束素翩躚舞態燕還驚
綽約妝容花盡妒 尊前謾詠高堂賦巫峽雲深留不
任重來花畔倚闌干愁滿闌干無倚處

木蘭花慢

送人之官九華

藹芳陰未解乍天氣過元宵訝客袖猶寒吟窓易曉春
色無聊梅梢尚留顧藉滯東風未肯雪輕飄知道詩翁

欲去遞香要送蘭橈 清標會上蘸霄千里阻九華遙
料今朝別後他時有夢應夢今朝河橋柳愁未醒贈行
人又恐越魂銷留取歸來繫馬翠長千里柔條

曹

遵

字擇可
號松山

按遵爲賈似道客感淳臨安志龍泓洞題名
期而不至者有鄭泌安劉翁孟寅趙希彭曹
良友曹遵

玲瓏四犯

茶蘼應制

見陽春白雪

一架幽芳自過了梅花獨占清絕露葉檀心香滿萬條
晴雪肌素靜洗鉛華似弄玉乍離瑤闕看翠蚪白鳳飛
舞不管暮鴉啼鳩 酒中風格天然別記唐宮賜尊芳

列玉蕤與得餘春住猶醉迷飛蝶天氣乍雨乍晴長是
伴牡丹時節夜散瓊樓宴金鋪深掩一庭春月

齊天樂

和翁時可悼故姬

翠簫聲斷青鸞翼、心期口敘誰表夜燭銀屏春風粉袖
猶記琵琶斜抱瑤池路杳恨巫女問雲月娥沉照謾說
蓬萊玉環花貌夢難到巖花亭院乍冷更蛩吟風碎
鴻飛烟渺綠玉彈棋紅牙按拍樂事歡情終少劉郎未
老要鬢翼堆元腕酥凝皓莫忘香期綠羅裙帶草

瑞鶴仙

爐烟消篆碧對院落秋千畫永人寂濃春透花骨正長

紅小白暈香塗色銅馳巷陌想游絲飛絮無力念繡窻
深鎖紅鸞虛度禁烟寒食空憶象牀沈水鳳枕屏山
帶歡尤惜粉香狼籍海棠下東風急自秦臺簫咽漢臯
珮冷斷雨零雲難覓但杏梁雙燕歸來似曾舊識

蘭陵王

雨中登龜谿乾元寺閣賦

杏花坼烟柳藏鴉翠陌蘇堤上人正踏青嫩草茸茸襯
羅袜遊絲挂晴塔十里酬紅艷白秋千外嬌靨笑春一
片笙簫倚霞碧阿香妒傾國把鏡日深奩絲雨愁織
崇桃積李無顏色但蝶粉香漬燕泥芹冷紫錢芳暈翳
寶瑟悵還近寒食岑寂恨無極更酒驛孤烟葦院長

日梨花滿地春狼籍望鳳闕波渺燕臺雲隔凭闌于晚
吟袖濕但笑拍

惜餘妍

被召賦二色木香

同根異色看鏤玉雕檀芳艷如簇秀葉玲瓏嫩條下垂
修絲禁華深鎖清妍香滿架風梳露浴輕盈便似覺醅
釀格調粗俗蜂黃間塗蝶粉疑舊日二喬各樣妝束
費却春工門合靚芳穠馥翠華臨檻清賞飛鳳翠休辭
醉玉晴晝鎖貯瑤臺金屋

宴山亭

被召賦繡毬

香月玲瓏柔風鏤刻嫩綠枝頭圓膩飛梭艷宇絮柳池

塘獨立萬紅塵外戲舞千團訝粉羽留連春媚非是看
滾雪拋瓊鏡鸞相倚 唐昌仙館風流有霞洞藏花紺
鬢玉蕊雕闌占賞禁苑承恩難比太平瑤卉遍插金瓶
更移近寶猊烟翠堪愛只少箇鴛鴦繡帶

陳郁

字仲文號藏一臨川人理宗時充緝熙殿應
制又充東宮講堂掌書兼撰述著語腴四卷
李祉陳盼兒傳庚申八月太子請兩殿幸本
宮清霽亭賞芙蓉木樨部部頭陳盼兒捧牙
板歌尋尋覓覓一句上曰愁悶之詞非所宜
聽可令陳藏一撰一卽景快活聲聲慢
毛翊吾竹小葉陳藏一山房云一室蒸香卽
太初萬人如海儘從渠第於心上曾無著何
必山中始可居垂箔護花嫌引蝶連筒汲井
怕生魚草元政不妨人事問字敲門未可踈
按藏一子世崇謨隨隱漫錄述度宗贊其父
像有文窺西漢詩到盛唐之語劉摶水雲邨

泯稟觀度宗御批令藏一進世崇詩文稟跋
云度宗在春宮時盛年潛躍汲汲斯文惜不
遇園綺羽翼乃下訪藏一父子之卑陋蓋深
致不滿之詞焉

按劉一清錢唐遺事賈似道當國時陳藏一
作咏雪念奴嬌一闕以譏之其詞鄙俚置之不
復錄

聲聲慢 應制賦芙蓉木樨

澄空初霽暑退銀塘冰壺雁程寂寞天闕清芬何事早
飄岩壑花神更裁麗質漲江波一奩梳掠涼影裏算素
娥仙隊似曾相約 閑把雨花商畧開時候羞趁觀桃
堦藥綠幕黃簾好頓膽瓶兒著年年粟金萬斛拒嚴霜
錦綵圍幄秋富貴又何妨與民同樂

丁宥

字基仲
號宏菴

夢窻甲臺高山流水丁基仲側室善絲桐賦
詠曉達音律備歌舞之妙云素菴一一起秋
風寫柔情都在青葱徽外斷腸聲霜霄暗落
驚鴻低翼處剪綠裁紅仙郎伴新製還廣舊
曲映月簾櫳似名花並蒂日日醉春濃
中空傳有西子應不解換羽移宮蘭蕙滿襟
懷睡碧總噴花茸後堂深想費春工客愁重
時聽蕉寒雨碎淚濕瓊鐘恁風流也稱金屋
貯嬌慵

絕妙好詞箋基仲水龍吟葱指冰絃蕙懷春
錦又云悵芙蓉城杳當是悼其側室而作觀
夢意詞可證也

水龍吟

見陽春白雪

鴈風吹裂雲痕小樓一線斜陽影殘蟬抱柳寒蛩入戶
凄音忍聽愁不禁秋夢還驚客青鐙孤枕未更深早是

梧桐泣露那堪度
蘭宵永 空歎銀瓶智
井醉鄉醒温
柔鄉冷 征塵倦撲
閑花漫舞 何心管
領葱指水絃蕙悞
春錦楚梅風韻恨
芙蓉城杳藍雲依
點鎖巫峯暝

宋自遜

字謙父金華人自
適弟號壺山居士

梅磭詩話宋謙甫萍詩云苦無根蒂逐波流
風約纒稀雨復稠舊說楊花能變此是他種
子已輕浮蚊詩云朋比趨炎態度輕禦人口
給屢憎人雖然暗裏能鑽刺貪不知幾竟殺
身皆不專詠物

瀛奎律髓慶元嘉定以來乃有詩人爲謁客
者干求一二要路之書謂之潤匾副以詩篇
動獲千萬緡宋謙父一謁賈似道獲格幣二
十萬以造華居是也

賀新郎

雪堂弔東坡

見陽春白雪外集

喚起東坡老問雪堂幾番興廢斜陽衰草一月有錢三十塊何苦抽身不早又抵用北門摘藻僮耳蠻烟添老色和陶詩翻被淵明惱畢竟是忘言好 周郎英發人間少漫依然烏鵲南飛山高月小歲月堂堂留不住此世何時是了算不滿英雄一笑我有豐淮千斗酒把新愁舊恨都傾倒醉吹笛到天曉

杜良臣

皇宋書錄杜良臣字子卿豫章士人也善小篆見重一時趙銳者幼與子卿友善嘗謂余言子卿幼日見愈羸有篆字者亦輒割而取之可以見其嗜學也同時又有漆遂良者亦博洽飽學人稱漆杜云

三妹媚

見陽春白雪

花浮深岬樹迎新曦窻影細觸浮塵映葉青梅記共折
南枝又及嘗新駐屐危亭烟墅杏風物撩人虹外斜陽
留曉鶯邊落絮催春心事應辜桃葉但自把新詩徧
寫修筠恨滿芳洲倩晚風吹夢暗逐江雲慢撚輕攏幽

思切清音誰問謾有鴛鴦結帶雙垂繡巾

按三妹媚詞律只載仄韻

二調此獨用平且句調多不合當是又一體詞律霜葉飛只載夢窻一調玉田作收處少一字且上段句法不同起句四字亦失註叶又如側犯後段本作四字四句姜白石精於律呂尾句云寂寞劉郎自修花譜與周美成同此作紅友因聽字同韻遂臆爲二字句又云白石之窻字借作暮字強作解事可笑也偶與蒲弱老人商訂詞譜率及紅友之陋並記於此

儲 詠

字文卿號華谷僑寓華亭
著有詩家鼎鑿及祛疑說

齊天樂

見陽春白雪

東風一夜吹寒食枝頭片紅猶戀宿酒初醒新吟未穩
凭久闌干留暖將春買斷恨苦逗榆堦翠錢難貫陌上
秋千相逢那認舊時伴 輕衫粉痕褪了絲緣餘夢在
良宵偏短柳線經烟鶯梭織霧一片舊愁新怨慵拈象
管待寄與深情難憑雙燕不似楊花解隨人去遠

陳

璧

字雲厓
亦作芸

按江湖後集儲文卿送陳雲厓詩云詩價侯
門賤時情客路輕談在庵有摸魚兒詞懷雲
厓東甫游湘潭作與王樓春詞湘流寄恨語
相合在庵詞云多情記把香羅袖殘粉半沾

荆樹知東甫爲雲厓昆季行也
四朝聞見錄載寧皇試宏博之士時徐鳳少

監與今宗簿劉澹然俱試主司出唐厓八變
序秘書陳璧閭卷陳素不習詞學聞劉卷方
以用山河厯事爲疑又聞徐卷謂非正史所
載劉徐俱黜當是另屬一人

踏莎行

見陽春白雲

江濶天低樓高思迥春烟黯淡如秋景今年芳草去年
愁分明又報明年信燕子還來歸期未定可堪醉夢
紅塵境世間萬事儘銷磨水流不盡青山影

謁金門

春晝永接葉鳴禽相應風定落紅香一逕踈踈窻竹影
寂寞年時酒病遠笛悠悠吹醒閣上層城天又暝雲

山青不盡

玉樓春

瓊奴家與章臺並路遠可憐歸夢近被頭浪語臉紅香
鏡面頻思眉翠暈年年花月年年病花月無情人有
恨欲將此恨寄湘流又恐湘流流不盡

陳東甫

撫州人

雪磯叢臺贈別陳東甫呈尚書鍾公云洞庭
濯足共題詩今聽驪駒語別離泣玉可能悲
卜子買金只合鑄鍾期荷盤剪綠須栖口鷺
頂分絲補接離斗酒疑肩聊自壯古來騷客
例寒飢又云陳東甫酒間舉歸心只有杜鵑
知之句猶未成篇因為續之歸心只有杜鵑
知且倚裴亭共撚髭客路秋風吹杜若故園
春雨老辛夷家貧未辨閒居賦世濁空吟感

高詩邂逅江湖還別去岸花橋燕雨堪悲

長相思

見陽春白雪

花深深柳陰陰度柳穿花覓信音君心負妾心 怨鴉
琴恨孤衾釧指釵盟何處尋當初誰料今

望江南

芳思遠南苑惜春時翠柳枝柔金笛怨碧桃花老玉笙
悲風日正遲遲

巖

參

字少魯自號三休居士邵武人與犀羽巖仁稱邵武三巖

沁園春

見歷代詩餘

日歸日歸歸去來兮吾將焉歸但有東籬菊有西園桂

有南溪月有北山薇蜂則有房魚還有穴蟻有樓臺獸
有依吾應有雲中舊隱竹裏柴扉 人間征路熹微看
處處丹楓白露晞况寒原衰草牛羊來下淡烟秋水鱸
鰖初肥自笑平生頽然骨相只合持竿坐釣磯都休也
對西風無語落日斜暉

詞綜補遺卷十二

長洲 陶樸 緝

宋詞六十六首

利登 十首

李演 六首

劉灝 四首

趙與洽 二首

万俟紹之 三首

張紹文 四首

史銜卿 一首

黃中 一首

蘇茂一 三首

丁默 三首

姚勉 四首

陳著 九首

羅椅 三首

李振祖 一首

李曾伯 二首

陳策 二首

趙潛 二首

葉間 一首

廖瑩中 一首

趙從橐 一首

郭居安 一首

李重元 一首

李天山 一首

利

登川字履道號碧湖金

隱居通議嶺道嘗於臨川道上得詩云晚覺
俯冠屨力耕已不任風雲入書史日月送烟
林古來一日幾人子百年心清風滿天下欲
棲無寸陰太息復太息忘寒生暮岑興致高
潔非江湖可跋及也尤工長短句如自况云
花外湖圓鶴遶虹去掠寒江千里賦虞美人
云當時養士知何計總把降幡去漢家王氣
塞乾坤一樹盈盈不爲漢家春意度彌佳他

詞盈快麗語屑出但兒女情多終傷正氣耳
履道家盱城西門以禮記擇第仕止寧都尉

風入松

見陽春白雪

斷蕪幽樹際烟平山外更山青天南海北知何極年年
是匹馬孤征看盡好花結子暗驚新笋成林歲華情
事苦相尋弱雪鬢毛侵十千斗酒悠悠醉斜河界白月
雲心孤鶴盡邊天澗清猿啼處山深

綠頭鴨

晚春天柳絲初透晴烟黯離懷綠房深處艷遊會記當
年觀龍綃亭亭玉樹步鴛鴦窄窄金蓮燒蜜調蜂翦花
挑蝶香雲微濕綠鬢髮嬉游困倚郎私語還愛撫郎肩

共攜手海棠院左翡翠屏邊 恨無情錦籠鸚鵡等閑

輕語花前昔相憐關山咫尺今相望咫尺關山是妾心

關是郎意嬾是郎無分妾無緣都休問金枝雲裏何日

跨金鸞深盟在香囊暗解終值雙鴛

按隱居道議跋道嘗有所屬意者中

更勝阻賦玉臺體數十篇以寄典此詞及過秦樓一闋均爲緣情之作

菩薩蠻

玉闌干外重簾曉流雲欲度長天遠花草不知名春來
各自春 綠鞍遊冶客何處燕楊陌不信不歸來海棠
花又開

水調歌頭

日日換飛澗風雨老孤松千岩萬壑秋重白氣接長空
一笑掀髯徐起蒼珮腰間相照猶自湧晴虹桑海幾番
覆人尙醉春風橫白石結綠綺送飛鴻十年夢事消
歇長劍吼青龍却笑人間多事一殼蝸涎光景顛倒死
英雄雲日空濛裏玉鶴任西東

洞仙歌

弄香吹粉記前回酒困綠露沉沉轉花影翠簾深隱隱
紅霧依人荷月帶新樣雙鸞交映如今誰念省短雨
長雲曾托琵琶再三問最苦綠屏孤夜久星寒無處頓
風流心性又莫是偷香寄韓郎到漏洩春風一枝花信

過秦樓

眉黛山分，靨朱星合，郁郁夜堂初見。芙蓉寄隱，豈蕊傳
香，便許翠鬟偷剪。迎夜易羞，欲晨先怯，風流口口未慣。
正流蘇帳掩，綠玉屏深，紅香月爓。誰信道，媚日難留，
驚雲易散。從此三橋路遠，巢燕春歸，剪花詞在。難寄題
紅一片。料想伊家如今，羞傍琴窗，憫題花院。但碧桃影
下，應對流紅自歎。

齊天樂

淡雲荒草，秋汀暮歸心。又寒烟水。論檻移花，量船載酒。
寂寞當年情味，孤篷夜閉，聽四壁松聲欲高。還細似近。

如遶露鴻聲亂楚天外
藍橋人斷歲久舊家會共賞
九華花事艷雪初融生香自暖消得金蓮帖地相思破
睡謾一點琴心暗闕千里愁怯潮生曉帆風又起

鷓鴣天

鳳尾鬟香再疊梳藕絲衫嫩蹙雙魚閑收茉莉熏藤枕
自插芙蓉遶翠幃新浴後淺妝初衛夫人帖學行書
西窗一霎黃昏雨笑問新涼飲酒無

風流子

梨園花柳地扶殘醉會記問妖嬈歎惹住輕烟柔絲未
改霏零踈雨膩粉先飄更低道花無三日艷柳有一年

嬌卷翠未遲醉紅易失共偎香影同賞良宵 如今知
何處三山遠雲水一望迢迢旁砌青鸞好在誰送歸鸞
但花下紅雲尚通夕照柳邊白月自落寒潮最是無端
子規啼破寒梢

水調歌頭

相聚不知好相別始知愁筍輿伊軋穿盡斜照古平洲
今夜荒風脫木明夜山長水遠後夜已他州轉覺家山
還何計去來休 酒堪沽花可買月能留相思酒醒花
落五更頭長記疎梅影底一笛紫雲飛動相對大江流
此別無一月一月一千秋

隱居通議云此詞極涵婉沉細

李

演字廣翁號秋堂有盟鷗集

朱繼芳靜佳乙藁題李秋堂盟鷗集相逢已
恨十年遲買酒湖山一夜時明日送春仍送
客柳花風颺鬢邊絲

摸魚兒 太湖

見絕妙好詞

又西風四橋疎柳驚蟬相對秋語瓊荷萬笠花雲重
嬾紅衣如舞鴻北去渺岸芷汀芳幾點斜陽字吳亭舊
樹又繫我扁舟漁鄉釣里秋色淡歸鷺長干路草莽
疏烟斷豎商歌如寫羈旅丹溪翠岫登臨事苔屐尚黏
蒼土鷗且住怕月冷吟魂婉冉空江暮明燈暗浦更短
笛銜風長雲弄晚天際畫秋句

聲聲慢

周梅孤山

輕鶻緜谷柔屐烟隄六年遺賞新續小舫重來惟有寒
沙鷗熟徘徊舊情易冷但溶溶翠波如縠愁望遠甚雲
銷月老暮山自綠 嘆笑人生悲樂且聽我樽前漁歌
樵曲舊閣塵封長得樹陰如屋淒涼五橋歸路載寒秀
枝疏玉翠袖薄晚無言空倚修竹

醉桃源 題小扇

雙鴛初放步雲輕香簾蒸未晴杏鎔暗淚結紅冰留春
蝴蝶情 寒薄薄日陰陰錦鳩花底鳴春懷一似草無
憑東風吹又生

南鄉子 夜宴燕子樓

芳水戲桃英，小滴燕支。浸綠雲待覓瓊觚，藏絲信流春，不似題紅易得沉。天上許飛瓊，吹下蓉笙，染玉塵可。惜素鸞留不得，更深誤剪燈花，斷了心。

八六子

次賞房韻

乍鷗邊一番腴綠流紅，又怨蘋花看晚吹。約晴歸路，夕陽分落漁家，輕雲半遮。縈情芳草無涯，還報舞香一曲玉，飄幾許春華。正細柳青烟舊時芳陌，小桃朱戶去年人面，誰知此日重來繫馬。東風淡墨敲鴉，暗窻紗人歸綠陰自斜。

祝英臺近 次負房韻

采芳蘋藻去。鷗歸步翠微。雨柳色如波。縈恨滿烟浦。東君若是多情未。應花老心已在。綠成陰處。因無語柔被。寒損梨雲。剛修牡丹譜。妬粉爭香。雙燕爲誰舞。年年紅紫如塵。五橋流水知送了。幾番愁去。

劉 淵

字養源
號江都

漢奎律髓注劉淵天台人嘗爲道士還俗學唐詩有所悟千詞無成丙子年卒

梅堯詩話天台劉淵以詩遊江湖後村西澗二公嘗跋其吟稿集中有梅江曉泊詩云風蕭蕭水瑟瑟淡烟空濛冠朝日灘頭古木如畫出鷗鶴飛來添一筆又登昭亭一聯云東風半綠官圩草西日遙紅別岸山皆警策可喜

按蘇州漁笛譜有再和劉養源六么令明月
引諸詞

慶宮春

重登蛾眉亭感舊

見絕妙好詞

春翦綠波日明金渚鏡光盡浸寒碧喜溢雙蛾迎風一
笑兩情依舊脉脉那時同醉錦袍濕烏紗敲側英游何
在滿目青山飛下孤白片帆誰上天門我亦明朝是
天門客平生高興青蓮一葉從此飄然入極磯頭綠樹
見白馬書生破敵百年前事欲問東風酒醒長笛

瑞鶴仙

海棠

向陽看未足更露立欄杆日高人獨江空珮鳴玉問烟
鬟霞臉爲誰膏沐情閒景淑嫁東風無媒自卜鳳臺高

言集補遺卷一
一
貪伴吹笙驚下九天霜鶴
紅蹙花開不到杜老溪莊
已公茅屋山城水國歡易斷夢難續記年時馬上人酣
花醉樂奏開元舊曲夜歸來駕錦漫天絳紗萬燭

齊天樂

吳興郡宴遇舊人

玉釵分向金華後
回頭路迷仙苑落翠驚風流紅逐水
誰信人間重見花深半面
尙歌得新詞柳家三變綠葉
陰陰可憐不似那時看
劉郎今度更老雅懷都不到
書帶題扇花信風高苕溪月冷
明日雲帆天遠塵緣較
短怪一夢輕圓酒闌歌散
別鶴驚心感時花淚濺

買陂塘

游天台鴈宕東湖

見浩然齋雅談

御風來翠鄉深處連天雲錦平遠臥游已動篷舟興那
在芙蓉城畔巾幘岸任壓頂嵯峨滿鬢絲零亂飛吟谷
殿載十丈青青隨波弄粉菰雨淚如霰斜陽外也有
仙妝半面無言應對花怨西湖千頃腥塵暗更憶鑑湖
一片何日見試折藕占絲絲與腸俱斷遐征漸勸當賴
尾湖頭綠波彩筆相伴老坡健也周公謹云此養源絕筆

趙與洽

字景周號懋庵太祖十世孫秦
王德芳之後見宋宗室世系表

摸魚兒

梅

見陽春白雪

甚幽人被花勾引庭臯遙夜來去江空歲晚誰爲伴只
有瓊枝玉樹愁絕處望萬里瑤臺夢斷迷歸路花還解

語更雪琢精神水相韻度粉黛盡如土
飄仙袂曾綴蕊珠鴛鴦雲茵月障千步
莫教衣袖天香冷恐怨美人遲暮
更起舞任斗轉參橫翠羽曾知否
塵緣自誤終待與騁鸞乘風共去
長作此花主

江城梅花引

單衾寒引畫籠聲雨初晴月微明
竹外溪邊低見一枝橫
淡月疎花三四點春尚淺
早相看似有情
夜來袖冷暗香凝
恨半銷酒半醒
靚妝照影未收
整雪艷冰清
只恐不禁愁絕
易飄零
待得南樓三弄徹
君試看比從前更瘦生

万俟紹之

字子紹郢人万俟高曾孫有郢莊吟藁

方洪郢莊吟藁序郢人万俟子紹相家子也力學好修寓居琴川嘗登柳齋先生節惠王公門見聞卓犖故其文宏以肆負西北鯁亮氣不隨衆靡故其詩清以嚴兩上春官人期之與自期不薄也居亡何矣而卒

蝶戀花 春風

啼鴂一聲雲榭晚
好夢驚圓
蓬島疑行遍
無緒東風簾
自捲香苞雲壓茶蘼院
似有還無
烟色展
絮暖魚肥
時復吹池面
扇影著花蜂
蝶見藥闌春靜
紅塵遠

風入松

一春心事與誰同
綠聚眉峯
小樓徹夜聽鳴雨
想西園

錦繡成空欄漾金魚池水鈎閒紫燕簾風 年時忻折
海棠紅來比芳容如今玉減香銷似怕輕寒懶出房櫳
塵滿謝娘吟卷從教飛絮濛濛

賀新郎

林陵懷古

夾背入飛鳥正江南梅雨初晴亂山浮曉鳳去臺空簫
聲斷惟有疎林鴉噪但空鎖吳時花草指點中原青山
外奈征塵迷望愁雲繞佳麗地漫凝眺 清風助我舒
長嘯問其中虛簾曲檻閱人多少風景不殊江山在况
是英雄未老且拚與尊前一笑欲說前朝興亡事喚謫
仙來共傳清醪歸路晚月明照

張紹文

字庶成
南徐人

水龍吟

春晚

見江湖後集

日遲風軟花香困，人天氣情懷懶。牡丹謝了，餘醺開後，
紅稀綠暗。慵下妝樓，倦臨鸞鏡，粉輕脂淡。歎韶華迤邐，
將春歸去，沈思處，空腸斷。長是愁蛾不展，話春心，只
憑雙燕。良辰美景，可堪虛負。登臨心眼，雁杳魚沉，信音
難託。水遙山遠，但無言，倚欄闌。十二對芳天晚。

壺中天

爲兄風雲水月主人壽

丹臺仙伯馳縱跡，當年瓊樓金闕。底事來遊，人世界爲
愛風雲水月。結屋南園，境隨人勝，不是溪山別。今朝初

度碧蓮千頃齊發 况是鴛侶新諧鳳雛
瓊長占人間歡悅且盡盞天今夕醉聽取妙歌千闕
待得西風鶚書飛上更復青蓋物名成歸去赤松還伴高潔

酌江月

淮城感興

舉杯呼月問神京何在淮山隱隱撫劍頻看勲業事惟有孤忠挺挺宮闕腥羶衣冠淪沒天地憑誰整一枰碁
壞救時著數宜緊 雖是幕府文書玉關烽火斲送平安信滿地干戈猶未戢畢竟中原誰定便欲凌空飄然
直上拂拭山河影倚風長嘯夜深霜露凄冷

沁園春

為叔父雲溪主人壽

數遍時賢誰似雲溪未老得閒自抽身州縣歸休舊隱
灰心名利跳出塵寰卸却朝衣笑拈拄杖日在花陰竹
徑閒身輕健任高眠晏起渴飲飢餐 垂弧猛省當年
且約住春風開壽筵况園亭池館新奇佳麗弟兄子姪
歌笑團圍綠鬢朱顏綸巾羽扇做個人間長壽仙霞觴
舉願年年今日長對南山

史衛卿

鄞人

案宋史彌鞏之孫蒙卿著書立言一以朱子
爲法又史唐卿與兄蒙卿同登咸淳元年進
士則衛卿亦蒙卿兄弟行也

柳梢青

見江湖後集

言絲補遺卷十一
二
鵲綠華身小挑花扇安石榴裙于野聞歌周郎顧曲誰
惱夫君悠悠羈旅愁人似零落青天斷雲何處銷魂
初三夜月第四橋春

黃中

號澹翁

李群芳綺集送黃中入吳門詩曰行到鱖魚
鄉裏時一宮花消滌漣漪看春又過清明節
更把愁心說向誰
施和莊隱橫舟牽繡箔夕以不禁離抱來
訪宏庵挑燈細語滿促忘歸卽事有賦時黃
澹翁在焉客裏情懷不自如夜深來訪子雲
苦挑燈細接新翻白拂案同看架上書梧葉
敲風莖初冷菊香消雨鶴庭虛相逢且與開
眉笑暮遺吟邊酒瓊疎

瑞鶴仙

用陸淞韻

見陽春白雪

睡餘拋倦枕憶篆鼎香銷起來慵整晴光破清冷正柳
黃梅淡染金勻粉茶甌隽永試經行桐花舊井記前圓
未綠鴛鴦波近日燕芹青盡因省春風如舊人面何歸
對時傷景攬高望迴溯有信雁無準任相如多病沈郎
全瘦都沒音塵寄問使倣無阿鵲頻頻可能睡穩

蘇茂一

字才叔
號竹里

鄉登龍梅屋吟和竹里蘇才叔見梅懷友韻
云徘徊江路側何以慰相思陽彩來寒樹貞
姿倚莫離飄零懷遠道還索負芳時佇立幽
吟若餘懷將訴誰

鎖窗寒

重遊東湖

見陽春白雪

雲浦蒼寒烟堤翠翠舊痕新漲春愁十里冉冉碧絲搖

言系不詞卷一
蕩記登臨少年思高唾壺擊玉歌清壯到如今夢裏秋
風鴻陣晚波漁唱惆悵重來處望畫舫天邊香絲原
上山陰秀句付與一聲雲鬢正東湖誰家柳下午陰漠
漠人蕩槩最堪憐白髮周郎爲江山白賞

點絳脣

翠竹藏烟杏紅流水歸何處透簾穿戶更灑黃昏雨
織錦題書誰寄愁情去渾無緒綠楊千縷不似真眉嫵

祝英臺近

結垂楊臨廣陌分袂唱陽關穩上征鞍目極萬重山歸
鴻若到伊行丁寧須記寫一封書報平安漸春殘是

他紅褪香收綃淚點斑斑枕上盟言都作夢中看銷魂
啼鴉聲中楊花飛處斜陽下愁倚闌干

按詞律祝英臺
近只收夢窻一

調此獨用平宋詞中不多見也存之以備一體

丁

默字無隱
號書塢

齊天樂

重游鄱陽

見陽春白雪

兩株烟柳荒城外依依暮帆曾駐小扇障塵輕輿帖岸
誰料重行吟處流光暗度悵蘭激春移葦汀秋聚可奈
清愁快呼艇子載將去 中年懷抱易感甚風花水葉
猶似孤旅伴崔幽期隨鶯樂事還是情乖意負衣塵帽
土但杜鏡堪羞賀囊徧富待報山靈莫教雲壑妬

華胥引

論交眉語惜別心啼費情不少蕙渺溱期蘋深汜約輕
 誤了幾度金鑄相思又燕歸鴻杳誰料如今被鶯閑占
 春早 頻把愁勾惜鴉雲嬌紅猶遮渾拚如夢爭奈枕
 屏曉欲寄芙蓉香半握怕不禁秋惱除是親逢片帆
 雙度天杪

齊天樂

庚戌元夕都下遇趙立之

倦雲休雨風還作交相醒花蘇柳字滿吟灰痕添坐席
 贏得新愁癡守歸期未有負小院移蘭故園嘗非謾道
 春來沈腰惟覺似秋瘦 燒燈時候是也楚津留野艇

會趁芳友問月餘晴憑春買夜明月添香解酒口知別
久悵帝陌論心客塵侵首戲鼓聲中舊情猶在否

姚

勉

字述之一字成一高安人寶祐元年廷對第一除校書郎兼太子舍人有雪坡詞一卷四庫全書總目姚勉登第後上疏請讓其師樂雷發理宗詔親試對選舉入事賜特科第

一人

霜天曉角

湖上泛月歸

秋懷軒豁痛飲天機發世界只如掌大筭只有醉鄉濶
烟抹山態活雨晴波面滑艇子慢搖歸去莫攪碎一

湖月

柳梢青

憶西湖

長記西湖水光山色濃淡相宜豐樂樓前湧金門外買
小船兒而今又是春時清夢只孤山賦詩綠蓋夫容
青絲楊柳好在蘇堤

賀新郎

憶別

薄晚收殘暑歎西風暗換流年又還如許鴉背斜陽初
斂影雲淡新涼天宇人袖手闌干凝佇隣笛喚將鄉思
動聽愁聲又入梧桐雨秋到也尙鞦韆故人只在江
南渚相應嫌久戀東華軟紅塵土寄遠裁衣知念否新
月家家砧杵魂夢想聽黃金縷雁影不來天更遠寫書
成欲寄憑誰與知客恨兩登語

又

窻月梅花白夜堂深燭搖紅影繡簾垂額半醉金釵嬌
映坐寒處也留春色深意在四弦輕摘香塢花行聽啄
木翠微邊細落仙人屐星盼轉趨嬌拍 人間此手真

難得向樽前相逢有分底須相識愁淺恩深千萬意惆
悵故人雲隔怕立損弓鞋紅窄換取明珠知肯否綠窻
深長共春憐惜休憊亂坐中客 妓與惜善琵琶程秋幹
席上作

陳

著

字子微號本堂鄞縣人寶祐四年進士官著
作郎出知嘉興府忤質似道改臨安通判有

本堂集九十
二卷詞二卷

延祐四明志載陳著題勝國院詩云轉路便
幽深僧來不用尋寺依仙石脚僧識老岩心

是處鬼無墓此山松自林
滔滔未涯事分付
一蟬吟

惜分飛

吳氏節寄內董氏

築壘愁城書一紙雁雁兒將不起好去西風裏到家分
付顰眉底 落日闌干羞獨倚十里江山萬里容易成

憔悴惟歸來還是歸去是

按詞律載此調五十字今未
句多一字當是又一體

霜天曉角

丙寅十一月十七日江行作

江寒雁咽短棹還催發曾是玉堂仙伯相別處滿篷雪
此別那堪說遡風空淚血惟有梅花依舊香不斷夜

來月

又

丙寅十一月十一日阮橋風雨有題此曲前一
段與今日情味同因錄於此

一聲阿鵲人在雲西角信有黃昏風雨孤燈酒不禁酌
錯錯誰誤着明明做却願寄香箋歸去教看了細
揉嚼

卜筮子 嘲二十八兒

風急雁聲高露冷蛩吟切枕剩衾寒不耐煩長是傷離
別 望得眼兒穿贏得心兒熱且喜重陽節又來黃菊
花告發

如夢令 西湖道中

家在明山南任身在明山西路回首碧雲天自笑不如
飛鷺飛去飛去飛入明山深處

鷓鴣天

和黃虛谷石榴韻

看了山中薜荔衣，手將安石種分移。
花鮮絢日猩紅妒，葉密乘風翠羽飛。
新結子，老垂枝，老來眼底轉多宜。
齒牙不入甜時樣，醋了何妨薦酒卮。

摸魚兒

壽虛谷

竹洲西有人如玉

一作玉手探取冰胸

南柯一覺歸早青山綠

水亭軒舊猶有未荒花草誰信道又自愛湖光

一作還自要問

郊原

買屋三間小都無長好但鳳躍雄文蠅書小楷轉

老轉奇妙 人間世如許年高似少浮生惟有問好圓

頭翻訝礮溪叟輕把一絲拋了涼乍到記當日天香露

浴如今老瑤卮壽曉稱酒到眉間醺醺醉也兒女滿前
笑

又日隨湖南安撫隨德修自長沙回至魯港值其生

碧油幢一開藩後便思量早歸去工夫着緊新城好風
月萬家笙鼓遊晏處要管領春光補種花無數何須更
駐只畫了瀟湘扁舟輕發揮手湖南楚江帆細撐入
清溪綠樹家山三兩程路安詳小馬追隨猿雀勾引詩
朋酒侶瀟灑處是則是初心只恐難留駐忙須着句把
泉石烟霞平章一遍回首鳳綸舞按詞律歐陽公作一
百十七字句法與此
互異當是又一體萬氏失載

洞仙歌

詞話續補遺卷十二
文韻蘇子瞻

冰肌玉骨自清涼無汗午夢醒來貯嬌滿扇輕拈又放
淺炷蘭薰微笑處吹著烟絲散亂 涼亭還獨步曾是
憑闌携手心盟指雲漢碧海信沈沈望絕魚箋腸欲斷

千回萬轉謾竚立無言對荷花看轉眼秋風翠移紅換

羅

椅

字子遠號澗谷廬陵人寶祐四年進士以乘
義郎爲江陵教官改潭州復知贛信豐縣還

提轄惟貨度宗升
遐失於入臨論罷

按齊東野語記羅澗谷嘗遊學盛時依託求
進道學勢衰之後遂棄去不相問其行事
誠不足取又明馮桓遜元人詩爲乾坤清氣
集有澗谷謝幼輿折齒歌一首蓋其人入元
尚在也

更漏子

見陽春白雪

晚潮生涼月細一抹遠山無蒂收越棹起吳檣人間何
限忙石頭城西北角杳杳天低鶻落渾不似此波光
清歌催夕陽

清平水

明虹收雨兩漿能吳語人在江南荷葉浦採得蘋花無
數夢中舞燕棲鸞起來烟渚風灣一點愁眉天末憑
誰剗却春山

八聲甘州

孤山寒食

甚匆匆歲月又人家插柳記清明正南北高峰山傳笑

響水泛簫聲吹散樓臺烟雨鶯語諳春晴何所無芳草
惟此青青誰管孤山山下任種梅月冷薦菊泉清看
人情如此沉醉不須醒問何時樊川歸去歎故鄉七十
五長亭君知否澗雲溪竹笑我飄零

李振祖

號中山
閩縣人

寶祐四年登科錄第四甲第十三人李振祖
字起翁第萬一總侍下年四十六二月丁酉
日丑時生外氏趙一舉娶劉氏曾祖簡能御
史祖蛟承義即父寧本貫福州閩縣祖爲戶

浪淘沙

見絕妙好詞

春在畫橋西畫舫輕移粉香何處度漣漪認得一船楊
柳外簾影垂垂誰倚碧闌低酒量雙眉宛央並浴燕

交飛一片間情春水隔斜日人歸

李會伯

字長孺號可齋覃懷人寓居嘉興寶祐中進士通判濠州歷官湖南安撫使進觀文殿學士又知慶元府兼沿海

制置使有可齋類藁

點絳脣

饒陳次賈

嶺上危樓楚江一望天無際漫游萍記莫挽東流水

一片秋光直到山陰里人還記戍邊歸未更憶鱸魚美

齊天樂

和陳次賈爲壽

今年塞上秋來早鼎街尙餘芒耀舉目關河驚心弧矢
顧我豈堪戎纛幾番鳳誥愧保障何功思隆旒藻笑指
呼鷹露花烟草憶劉表 頭顱如許相與歲寒猶賴有

白髮公道對月懷人臨風訪古往事凄凉難考何時是

了莫馳志伊吾貪名清廟松菊歸來稽山招此老

按可齋類

袁仲宣樓記云接江陵志樓名昉於祥符復於紹興淳祐十年賈公似道爲制置使重新是樓夏六月易鎮全淮覃懷李某繼之如前畫越半募告成蜡月二十有五

日爰集賓校置酒而落之此詞正作於樓成之日也

陳

策

字次賈號南墅上虞人以功授武階

摸魚兒

仲宣樓賦

見絕妙好詞

倚危梯酌春懷古輕寒纔轉花信江城望極多愁思前
事憫人方寸湖海興筭合付元龍舉白澆談吻憑高試
問問舊日王郎依劉有地何事賦幽憤沙頭路休記
家山遠近賓鴻一去無信滄波渺渺空歸夢門外北風

淒緊烏帽整便做得功名難綠星星鬢敲金未穩又白
鷺飛來垂楊自舞誰與寄離恨

滿江紅 楊花

倦繡人閒恨春去淺顰輕掠章臺路雪黏飛燕帶芹穿
幕委地身如遊子倦隨風命似佳人薄歎此花飛後更
無花情懷惡 心下事誰堪托憐老大傷飄泊把前回
離恨暗中描摸又趁扁舟低欲去可憐世事今非昨看
等閒飛過女牆來秋千索

趙

潛

字元晉號水壺潭州人忠靖公葵子咸淳中沿江制置使知建康府

三朝政要廣王登極於福州改元景炎以趙潛爲江西制置使

蔣子正山房隨筆云趙靜齋淮被執死於瓜
洲其兄水壺潛自京口遷金陵北兵至棄家
而逃南徙不返死葬海旁山上

臨江仙

西湖春泛

見絕妙好詞

隄曲朱牆近遠山明碧瓦高低好風二十四花期驕
馳穿柳去文鵲挾春飛 簫鼓晴雷殷殷笑歌香霧霏
霏閨情不受酒禁持斷腸無立處斜日欲歸時

吳山青

水仙

金璞明玉璞明小小杯拌翠袖擎滿將春色盛 仙珮
鳴玉珮鳴雪月花中過洞庭此時人獨清

葉

閨

蓮直

按吳錫鬻蘭集載咸淳間南康守葉聞聘
主白鹿洞書院不赴是闕於度分時曾官江
右惜其籍貫無考

摸魚兒

見陽春白雪

倚薰風畫閣亭午采蓮柔艣如語紅裙濺水鴛鴦濕幾
度雲朝雨暮遊冶處最好是小橋芳樹尋幽趣繡簾低
護任涼入霜紈月侵水簟長夏等閑度 都如夢悵望
遊仙舊侶遺踪今在何許愁余渺渺瀟湘浦檻竹空敲
朱戶黯無緒念多情文園會草長門賦酒酣自舞笑滿
袖緇塵數莖霜鬢羞煞照溪鷺

廖瑩中

字羣玉號荊州邵武人登第後爲賈
似道客嘗爲大府丞知某州皆不就

齊東野語賈師憲當國日以治湖山作堂曰
半閒又治圃曰養樂然名爲就養其實枯槁
固位欲罷不能也每歲八月八日生辰四方
善頌者以數千計悉俾翹館磨考以第甲乙
一時傳誦爲之紙貴然皆諛詞巖語也廖望
中趙從素郭居安詞云云

木蘭花慢

壽賈師憲

請諸君著眼來看我福華編記江上秋風鯨鯨漲雪雁
微迷烟一時幾多人物只我公隻手護山川爭睹階符
瑞象又扶紅日中天因懷下走奉囊韃磨盾夜無眠
知重開宇宙活人萬萬合壽千千鳧鷖太平世也要東
還赴上是何年消得清時鐘鼓不妨平地神仙

趙從素

陂塘柳 前題

指庭前翠雲金雨霏霏香滿仙宇一清透徹渾無底秋
水也無流處君試數此樣襟懷頓得乾坤住閒情爾許
聽萬物氤氳從來形色每向靜中覷 琪花路相接西
池壽母年年弦月時序荷衣菊珮尋常事分付兩山容
與天證取此老平生可向青天語瑤巵緩舉要見我何
心西湖萬頃來去自鷗鷺

郭居安

字應酉

黃震古今紀要逸編賈似道始生之日錢塘
宰郭應酉以詞賀之云云賈甚稱賞遂除官
告院既而語客曰此詞固佳安得有著綵衣
周公乎三月三蓋頌庚申歲草坪之擬歸舟

乃勛齋名也

聲聲慢

前題

捷書連晝甘灑通宵新來喜沁堯眉許大擔當人間佛
力須彌年年八月八日長記他三月三時平生事想祇
和天語不遣人知一片開心鶴外被乾坤繫定虹玉
腰圍闊闊雲邊西風萬籟吹齊歸舟更歸何處是天教
家在蘇堤千千歲比周公多箇彩衣

李重元

揚慎詞林萬選云元人北曲一半兒卽是此
調

憶王孫

萋萋芳草憶王孫
柳外樓高空斷魂
杜宇聲聲不忍聞
欲黃昏雨打梨花深閉門

李次山

佩文齋書畫譜宋人李次山工山林人物

浣溪沙

見湯春白雪

花園縈圃曲徑通
小亭風捲繡簾重
秋千閑倚畫橋東
雙蝶舞餘紅面旋
交鶯啼處綠葱蘢
遠山眉黛晚來濃

詞綜補遺卷十二